


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-83	Al-Muthaffifin	36	1	Makkiyyah	Ke-86	4



Zaman Diturunkan

Surah al-Muthaffifin diturunkan pada peringkat kedua kehidupan Rasulullah di Mekah di antara tahun ke-4 hingga ke-5 Kenabian ketika da'wah secara terbuka telah pun bermula. Pada ketika itu Rasulullah s.a.w. telah mulai ditentang dan dihina serta diperolok-olokkan.

Perkaitan Surah Al-Muthaffifin Dengan Surah Sebelum Dan Selepasnya

Di dalam surah ini juga dibuat perbandingan di antara golongan أبرار dan فجار tetapi beberapa nama untuk tingkah laku dan gelagat golongan فجار digunakan seperti مُعْتَدٍ (orang yang melampaui batas), مُطَفِّفِينَ (orang yang tidak jujur dalam perniagaan), أَثِيمٍ (orang yang berdosa), مُكَذِّبِينَ (orang-orang yang mendustakan kebenaran), الَّذِينَ أَجْرَمُوا (orang-orang yang durjana), كُفَّارٍ (orang-orang yang tidak percaya) dan lain-lain. Amalan golongan أبرار dan فجار dicatatkan dalam 2 buku yang berlainan.

Beberapa Kata Kunci Dan Tema Utama Surah

1. Di dalam surah ini beberapa sifat golongan فجار dinyatakan melalui beberapa perkataan berikut: مُطَفِّفِينَ (Ayat: 1), مُكَذِّبِينَ (Ayat: 10), مُعْتَدٍ (Ayat: 13), أَثِيمٍ (Ayat: 13), الَّذِينَ أَجْرَمُوا (Ayat: 29), كُفَّارٍ (Ayat: 36).
2. Sifat-sifat orang-orang beriman yang أبرار (yang baik-baik) dibuangkan sebagai lawan kepada sifat-sifat golongan فجار yang disebutkan. Misalnya lawan kepada مُطَفِّفِينَ ialah مُسْتَوِفِينَ, ia tidak disebut. Lawan kepada مُكَذِّبِينَ ialah مُصَدِّقِينَ, ia juga tidak disebut. Lawan kepada الَّذِينَ أَجْرَمُوا ialah صَالِحِينَ, ia juga mahzuf dan lawan kepada كُفَّارٍ ialah مُسْلِمِينَ, ia juga mahzuf.
3. Di dalam surah ini manusia dilarang daripada bersikap dwistandard. Manusia hendaklah memakai prinsip yang sama untuk orang-orang lain sebagaimana yang dipakai untuk dirinya sendiri, manusia yang berkhianat dalam urusan jual beli diperintahkan supaya jujur dalam pengurusannya.
4. Kerana jenayah-jenayah teruk yang dilakukan oleh pemimpin-pemimpin Quraisy Mekah dikatakan hati mereka sudah berkarat, itulah sebabnya mereka menolak ajaran al-Qur'an dan kepercayaan kepada adanya hari kemudian (Ayat: 14).

كَلَّا بَلْ رَانَ عَلَى قُلُوبِهِمْ مَا كَانُوا يَكْسِبُونَ ﴿١٤﴾

14. Sebenarnya! (Ayat-ayat Kami itu tidak ada cacatnya) bahkan mata hati mereka telah diselaputi kekotoran (dosa), dengan sebab (perbuatan kufur dan ma'shiat) yang mereka kerjakan.

5. Surah ini juga menceritakan bahawa suratan amalan فجار (orang-orang jahat) tersimpan di dalam سِجِّين, mereka hendaklah mengelak diri daripada amalan-amalan buruk, jika tidak mereka bukan sahaja akan menghadapi azab jasmani tetapi juga akan terhalang daripada melihat Allah (Ayat: 15).

كَلَّا إِنَّهُمْ عَنْ رَبِّهِمْ يَوْمَئِذٍ لَمَحْجُورُونَ ﴿١٥﴾

15. Jangan lagi mereka berlaku demikian! (kalau tidak), mereka pada hari itu, tetap terdinding dari (rahmat) Tuhannya.

6. Di dalam surah ini manusia digalakkan supaya melakukan amalan-amalan yang baik dan menjadi orang-orang **أَبْرَار**. Suratan amalan orang-orang **أَبْرَار** dimasukkan ke dalam **عِلْيَيْن** (Ayat: 18).

كَلَّا إِنَّ كِتَابَ الْأَبْرَارِ لَفِي عِلْيَيْن ۝١٨

18. Ingatlah wahai manusia! Sesungguhnya "kitab suratan amal" orang-orang yang berbakti (dengan taat dan amal kebajikan), adalah (didaftarkan) dalam "Illiyin".

7. Surah ini juga menyampaikan berita gembira kepada golongan **أَبْرَار** yang telah bertaqarrub kepada Allah bahawa mereka akan dihidangkan minuman wangi di dalam syurga yang dimeterai dengan kasturi (Ayat: 25).

يُسْقَوْنَ مِنْ رَحِيقٍ مَخْتُومٍ ۝٢٥

25. Mereka diberi minum dari satu minuman yang termeterai bekasnya.

Untuk mendapat minuman yang istimewa itu, manusia hendaklah berlumba-lumba melakukan amalan-amalan baik (Ayat: 26).

يَجْتَنِبُهُمْ وَفِي ذَٰلِكَ فَلْيَتَنَافَسِ الْمُتَنَافِسُونَ ۝٢٦

26. Meterainya kasturi; - dan untuk (memperolehi ni'mat kesenangan) itu hendaknya berlumba-lumba mereka yang ingin merebut kelebihan dan kesenangan;